

Universitätsbibliothek Paderborn

Occupatio animae Jesu Christo crvcifixo devotee.

Leroy, François

Pragae, 1666

§.1. Perenne[m] gratámq[ue] Passionis Christi recordationem, ad
immortalem Patris gloriam pertinere.

[urn:nbn:de:hbz:466:1-47123](#)

§. I.

Perennem gratianque passionis Christi recordationem, ad immortalē Patris gloriam pertinere.

Hinc quippe prima ac primaria petitur propositi à nobis incitamenti ratio. Nam si ita comparatum est, ut gloriōrum facinorum, & quæ quis præclarè pro multorum salute gesserit, ipsorum auctori ac patratori jucundissima accidat commemoratio: quodnam, amabo, divinis auribus jucundius continget acroama, quæ divino cordi prædicatio acceptior; quam si jugi recogitatione ac devotione cordis, commemoremus opus illud præ ceteris admirabile, & divinorum operum divinissimum, opus inquam redēptionis humanæ: illamque celebremus infinitam Charitatem, quâ sic Deus dilexit mundum, ut Filium suum unigenitum daret, eumque veluti suis detractum visceribus, pro salute nostra contraderet, ærumnisque ac supplicijs omnibus, tum etiam in primis acerbæ ac ignominiosæ morti, morti scilicet crucis, obijceret?

Ioann. 3.

psalm. 84.

Nullum quippe est divinorum operum, in quo illa, quæ dici solent, divinæ naturæ attributa, expreſſè magis eluceant. Sive Dei spectemus potentiam, quæ in id operis vim omnem suam exeruisse vifa est: sive sapientiam, quæ tam admirabilem redimendi hominis modum adinvenerit, quo & justitie suæ unâ & misericordiæ satisfaceret, r̄esque adeo in speciem adversas ad pacis osculum mutuūmq; complexum vocaret: sive denique, & præfertim, attendamus infinitam ejus bonitatem, qui ex quadam amoris exuberantia, ad rem tam insolentem, & (humano sensu) dignitati suæ parùm decoram, nostrâ causâ descenderit: sequē adēd jam non Deum ultionum, sed Patrem misericordiarum & Deum totius consolationis exhibuerit.

Ut enim prædicat inculcatque Ioannes Apostolus:

In

In hoc apparuit charitas Dei in nobis, quoniam Unigenitum suum misit Deus in mundum, ut vivamus per eum. Et subdit: *In hoc est charitas. Ut quamvis in cæteris omnibus Dei operibus emicent nonnullæ divini amoris & charitatis tantum stricturæ; quippe qui omnia ex amore considerit,* 1. Ioan. 4v *(nec enim odio babens aliquid constituisse, ut dicitur in libro Sapientiæ) attamen in hoc opere redemptionis humanae, ita præ cæteris suis operibus, charitatem suam luculenter, atque aperte prodidit, ut in eo solo (ex dilecti discipuli sententia) divinæ charitatis vis apparuisse, aut ejus certè summa sita esse videatur. In hoc enim est charitas.*

Absque hoc esset, laterent nos profecto *viscera misericordie Dei nostri;* ignota esset illa ejus *humanitas*, sive *philanthropia & adversum nos amor;* quænam esset dulcedo divini cordis, & suavitas spiritus, ne suspicione quidem attingeremus; verbo, vim ipsam & energiam, & velut ingenium aut indolem divinæ bonitatis, ignoraremus.

Hujus igitur divinissimi operis, in quo divinæ naturæ decora, hoc est ipsa forma & tanquam lineamenta divinitatis, sece (si uspiam) excellenter produnt & explicant, cum grati animi significatione celebratio, uti divinæ majestati summè glorioſa, ita non potest non esse jucundissima.

Ac si nemini dubium esse potest, olim gratum accidisse infeliciſſimo illi parenti studium filiarum Iſraël, quæ vertente anno in unum convenientes solenni carmine plangebant filiam Iephœ Galaaditæ, quam is è prælio victor reverens, per inconsultam devotionem aris admotam ipse suâ manu hostiam tristem macaverat; tametsi ea comploratio, non tam foliatum esse videretur infelicitis orbitatis, quam inconfolabilis resuscitatio doloris: quantò amplius jucundum erit Patri cœlesti studium istud piarum mentium; si nempe ipsius Unigeniti mortem, quem destinato summæ sapientiæ consilio, compellente misericordiâ, justitiæ suæ

Indi 11v
G 2 deco-

Pars I. Incitamenta ad seriam

52

Zach. 12.

decoram victimam, pro mundi redemptione immolaverit,
non anniversario duntaxat officio, sed recordatione peren-
ni, perpetuoque luctu celebrantes, faciamus quod scriptum
est: *Et plangent eum planctu quasi super unigenitum, & dole-
bunt super eum ut dolori solet in morte primogeniti.*

Gen. 32.

Perennet igitur vivatque in animis nostris ad immor-
talem Dei ac Domini nostri gloriam, tam præclari facti nun-
quam interitura memoria: eamque victoriam, quæ de ipso
Deo ita volente triumphavit divinus amor, assiduè recolen-
tes, hoc illi veluti trophyum in cordibus nostris statuere
curemus; dicamusque ipsi divino amori, quod de Iacobo
Patriarcha scriptum est: *Si contra Deum fortis fuisti, quam
magis contra homines prævalebis?*

§. 2.

*Eandem ipsi Dei Filio, nostrâ causâ à Patre depresso atque
exinanito, per quam esse gloriosam.*

Hinc autem existit altera ejusdem incitamenti ratio. Ad-
iijcimus quippe nunc, eam ipsam passionum Christi per-
ennem gratiamque recordationem, cum ipsi etiam Dei Filio
Redemptori nostro gloriofissima sit, hoc quoque nomine
æterno Patri acceptissimam esse debere: qui utique dile-
ctissimum Filium ad has miseras vilitatemque nunquam
abjecisset, nisi hunc ex ipsis opprobrijs gloriostorem illustra-
toremque emersurum esse cognosceret. Proinde & illud
studere videtur magnopere, ut illam ipsius summam & in-
credibilem abjectionem, immortali nominis memoriam, &
pari gloriae excelsitate compenset.

Ergo quem, salutis nostræ respectu, omnibus non mo-
dò cruciamentis, sed & opprobrijs contumeliasque objec-
tum, infra omnia (ut ita dicam) abjecerit: ejus vicissim
nomen ac gloriam per nos attolli celebrarique, summo quo-
dam